

爲木橋以濟。惡則去之。又于來路山嶺窄處鑿斷一  
二處。以木橫渡。如棧道狀。有警則絕之。庶虜騎有阻。  
至西水溝口。胡荻口。兩處牆低。宜各增高一丈下水  
門。用石捲之。僅通一人。有警則塞。各添軍五十名防守。以防其  
徑入內地。此守白石之要略也。浮圖白石固。而內地  
安堵。紫荆又不待言矣。

三嚴城守之具。查得守城嘗法。遠用佛狼機。稍近用  
鳥銃。再用石矢。人能知之。卽今各口城上亦堆小石。